



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 3. An testamentum sine præscriptis solennitatibus conditum, etiam in foro conscientiæ sit nullum?

[urn:nbn:de:hbz:466:1-73045](#)

2063 Tertia difficultas est, an de substantia testamenti solennis sit, ut citetur annus, mensis & dies? *R.* quod non, nam id nullo jure caustum est, ut constat ex legibus haecenus allatis, praesertim L. *Hac Consultissima.* Suadendum tamen est omnino, quia, cum quandoque homines plura confiant testamento, nec raro in posteriori mutant, quae in priori disponuerunt; interdum etiam quoad ipsam hereditatis institutionem, si à morte Testatoris producantur plura eiusmodi testamento, nec constare possit aliunde, quod prius, quod posterius sit? (hoc enim illi derogat) ad cavendas multiplices lites, perquam utiliter fiet, si annus, mensis, & dies apponatur; ex hoc enim statim resolvi poterit, cui ex pluribus, tanquam postrem Testatoris voluntati, sit deferendum?

2064 Propter hanc causam in testamento *imperfecto*, inter liberos, ea expressio exigitur in *authent.* *Quod sine C.b. r.* ibi: *quod sine scriptione ita procedit*, si parentis literas edocet, manu propria, non signis, sed literarum consequentia declarat, & tempus, & liberorum nomina, item, & unciarum numerum, seu signa rerum specialium. Dubitari autem potest, an in hoc testamento expressio temporis, &c. sit forma substantialis? an mere probatoria? *R.* cum in *Novella 107.* (ex qua defumpta est authentica, *quod sine*) non fiat mentio, nisi ad cavendas lites inter liberos, & tollendam dubitationem probationis, non exigi tanquam formam substantialem, sed potius mere probatoriam.

S. 3.

An testamentum sine prescriptis solennitatibus conditum, etiam in foro conscientia sit nullum?

2065 **C**ausa esse potest: Caius condidit testamentum, & heredem institutum, sed pratermisit solennitates jure civili necessarias, idque sine ullo privilegio, eximente illum ab onere servandi solennitates; mortuo Cajo Sempronius, qui jure vocatur ab intestato ad capiendum Caii hereditatem, sciens, Titium à Cajo heredem institutum, opponens nullitatem testamenti, *sine solennitatibus conditi*, repellit Titium, & tanquam heres ab intestato occupat bona defuncti. In

Tom. III.

hoc casu quæstio est, an bona conscientia Sempronius excludat Titium? & hic partiter in conscientia obligetur hereditatem relinquere Sempronio, licet certus sit fuisse ultimam defuncti voluntatem, ut ipse Titius, quem expressè heredem instituit, haberet hereditatem? quæstio igitur est, an defectus solennitatum irritet testamento sine illis condita, secluso privilegio, ut non tantum in foro externo, sed etiam interno, seu foro animæ sint nulla, sic ut perinde se habeant, ac si nulum testamentum à defuncto conditum extaret?

Tota difficultas resolvitur in hanc quæstionem, an Legislator irritans testamentum nec solenne, nec privilegiatum, sic irritet, ut ne quidem in conscientia ius tribuatur heredi per tale testamentum instituto, vel obligationem imponat heredi ab intestato? variæ sunt Authorum opiniones in hac materia, de qua jam aliquid egimus lib. 2. tit. 23. de *Præsumptionib.* à n. 1962. ubi agitur de quæstione, qualiter obliget lex fundata in *præsumptione?* Prima porrò sententia censet hujusmodi testamentum non solenne, nec privilegiatum, valere in conscientia, consequenter heredi ex eo instituto tribuere ius in foro conscientiæ, & heredi ab intestato obligationem, illum non repellendi à capienda hereditate; pro hac sententia stant plures Theologi apud Haunold. *tom. 2. de just. tr.* 6. n. 29. ubi citantur etiam Molina, Lessius, Wadingus, & Legistæ, Jason, Julius Clarius, Sichardus, & alii; altera sententia sequitur negativam, pro qua ibidem referuntur Bonacina, Becanus, Dicastillo, & alii, quorum opinionem tanquam probabilioriem sequitur etiam Haunoldus *loc. cit. n. 30.*

Ratio negantium est, quia, quando- 2067 cunque verba legis sunt absolute irritantia contractum aliquem, & non explicant alibi, *senone solle obligationem naturalem*, tunc censenda sunt etiam pro foro interno irritare; atqui testamentum insolenne, hoc modo irritatur, ergo, *Min. prob. ex L. Hac Consultissima* superius recitata, in qua post descriptas solennitates hæc subjunguntur: *Ex imperfecto autem testamento, voluntatem tenere defuncti (nisi inter suos liberos à parentibus utriusque sexus habeatur) non volumus.*

Ppp

Siverò

482 Tract. in Lib. III. Decretal. Quæstio XXVI.

Si vero hujusmodi voluntate liberis alia sit persona extranca mixta, certum est eam voluntatem defuncti, quantum ad illam duntaxat permixtam personam, *pro nullo haberet*, sed liberis accrescere; nam ex his verbis clare haberur: voluntatem defuncti nullam esse; consequenter & testamentum, cum id stare nequeat sine voluntate Testatoris, igitur nullum jus ex ejusmodi Testatoris voluntate, ac testamento tribuitur hæredi ex eo instituto.

2068 Pro resol. suppon. ex dict. l. 2. iit. 23. de præsumpt. n. 1979. in utroque foro locum esse sacris Canonibus irritantibus absolutè aliquem actum, contractum, aut dispositionem sine præscriptis solennitatibus, quando procedunt ex præsumptione, quod illis omissis communiter deficiat aliquid, sine quo nec jure naturali subsistit actus, contractus, vel talis dispositio, licet quandoque contingat in aliquo particulari defectu, non intervenire talem defectum; secundò ex n. 1980. quando absolutè irritant ex præsumptione communis periculi gravium peccatorum, si actus sine solennitatibus debitibus celebratus valeret: Tertiò ex n. 1981. ibid. Si ex ejusmodi præsumptione subditum reddit inhabilem ad celebrandum aliquem actum sine præscriptis solennitatibus: Quartò ex ibid. dictis n. 1982. quando lex procedens ex generali præsumptione decernit aliquem actum etiam vel sine talibus circumstantiis habendum, vel censendum esse validum, vel invalidum legi non esse locum in foro conscientiæ, ubi constat etiam in casu particulari de veritate, nimirum intervenisse omnia, quæ ad illius valorem naturaliter requiruntur; quibus positis:

2069 Rz. ad quæstionem propositam, si certò constet de voluntate Testatoris ex testamento etiam non solenni, nec privilegiato, hæredi instituto per hoc tribui jus in foro poli, & obligationem hæredi ab intestato, consequenter voluntatem defuncti ex lege civili testamentum non solenne, nec privilegiatum irritante non esse naturaliter nullam, quamvis per Judicis sententiam hæres, institutus ex testamento cogi possit ad cedendam hæreditatem alteri ab intestato, si nulla fraus, aut deceptio in ea institutione intervenit; nam tali casu (nimirum ante Judicis sententiam) non est locus dispositioni talis le-

gis in foro poli, cum solum decernat, defuncti voluntatem, consequenter ejus testamentum *habendum*, seu *censendum* in tali casu esse invalidum, ut constabit ex seqq. & ita tenent communiter Theologici, ut notavimus in prima sententia, & diximus lib. 2. n. 1985. id quod etiam tradunt alii ibid. relati. n. 1969.

Confirmari hoc potest ex eo, quia 2070 hæres Fiduciarius tenetur ei hæreditatem consignare, cui voluit Testator, si ei constet de voluntate Testatoris, esto ea voluntas careat præscriptis alioquin solennitatibus, ut dicitur L. *si utiliter*, & L. *quæstionem*, C. de fideicommiss. ibi: *Si Testator fidei hæredis sui commisit, ut vel hereditatem, vel speciale commissum restituat, & neque ex Scriptura, neque ex quinque restiū numero possit res manifestari, tunc se hæres perfidia tentus adimplere fidem recusat, negando rem ita esse subsecutam, si Fideicommissarius jurjurandum ei detulerit, cum prius ipse de calunia juraverit, neceſſe eum habere, vel jurjurandum subire, quod nihil tale a Testatore audivisset, vel recusantem ad fideicommissi, vel universalis, vel specialis solutionem coarctari, ne deperiret ultima voluntas Testatoris fidei hæredis commissa;* ergo idem erit in testamentis.

Si dicas 1. per hanc legem plus probari, 2071 quām intendatur; probatur enim etiam pro foro externo non requiri ultimātē illas solennitates, sed illis deficientibus offerri posse juramentum hæredib. intestato, *ubi non constare, nec se audiūsse à defuncto, quia vellet alium esse hæredem*, quod tamē adversarii non admittunt, nec in praxi observatur. Dices 2. illas leges non loqui de testamento, & hæredis institutione, sed de fideicommissis, in quibus, quia Testator fidei hæredis, vel legatarii committit aliquid solvendum, vel restituendum, tunc etiam deficientibus solennitatibus statutus fidei ejusdem hæredis, vel ejus, qui solvere deberet, qui declato juramento, si facietur eam fuisse defuncti voluntatem, solvere compellitur: si vero jurare renuat, pro confessō habetur. Ratio autem cur hoc specialiter statutur in fideicommissis, redditur in ipsis legibus ex ethymologia nominis, quia Fideiūsforum cunabula à fide hæredum pendent, & tam nomen, quām substantiam accepere. Confir-

Confirmari potest ex L. non dubium C. de testament. ibi: qui ex testamento, vel ab intestato hæres extiterit, et si voluntas defuncti circa legata, seu fideicommissa, seu liberalitates legibus non sit subnixa, tamen si suâ sponte agnoverit, implendi eam necessitatem habeat.

2072 Ad 1. q. neg. Sequelam; nam ex hoc, quod leges talem defuncti voluntatem non irritent, non tantum pro foro animæ, sed etiam pro foro externo; fundatur in eo, ut fatentur Contrarii, quod Testator id fidei hæredis committat; cum ergo id non contingat in hæredis institutione, non rectè infertur, quod de fideicommissis dictū est, in ordine etiam ad forum externum, sequi etiam de testamentis, quoad forum externum. Sufficiens ergo discriben est, quod negetur hæredi instituto pro foro externo, quod pro eodem foro ex dictis legibus concedatur hæredi fideicommissario; quamvis pro utroque in ordine quoad forum internum teneat paritas. Hinc sicut hæres fiduciarius in foro externo non nisi post Judicis sententiam tenetur alteri restituere, quod suæ fidei alteri tradendum commissum est; sic ne hæres institutus ex tali testamento hæreditatem tenebitur restituere hæredi ab intestato, nisi post Judicis sententiam, ut diximus loc. cit.

2073 Ad 2. q. Verum esse, quod illæ leges non loquantur expressè de testamento, & hæredis institutione, sed fideicommissis, & legatis; sed in ratione, quam afferunt Contrarii, non fundari decisionem earum; dum enim dictæ leges dicunt valere voluntatem Testatoris, etiam sine solennitatibus in fideicommissis pro foro externo, & suæ definitionis reddunt rationem, non respiciunt unicè fidem ejus, cui commissa est rei traditio; sed ne pereat ultima voluntas Testatoris fidei hæredis commissa, quod fieret, si in foro externo cogi non posset ad juramentum, quod nihil tale à Testatore audiverit, vel non præsumercur confiteri, si juramentum recularerit; unde licet iste favor pro foro externo non militet pro hæredis institutione ex testamento imperfecto (quamvis contrarium in multis locis, etiam in hoc foro ultimum sit, modò constet de ultima voluntate Testatoris defuncti) pro foro tamen conscientia idem dicendum erit, propter maximam aequitatem naturalem, ne omnino pereat ultima voluntas Testatoris, si certò de illa constet.

Tom. III.

Confirmatio ex L. Non dubium, admitti-

2074

tur; sed solùm hoc intenditur, idem hæredis institutioni ex testamento imperfecto concedendum saltem in foro conscientiae, quod hæredi fideicommissario ex imperfecta institutione fideicommissi pro foro externo; si enim ubi constat de voluntate, quantumvis imperfecta, in fideicommissis, etiam in foro externo valet, ne pereat ultima voluntas Testatoris (quamvis imperfecta ex defectu solennitatum) hæredi fiduciario commissa; aequum sanè, acjuri naturali planè consonum videtur, ut, si constet de voluntate Testatoris quoad hæredis institutionem, etiam hæc valeat, saltem in foro interno, licet ea voluntas imperfecta sit ex defectu solennitatum.

§. 4.

An valeat nuncupatio hæredis cum relatione
ad Schedam?

C Asis est: Titius manu propriâ in aliqua 2075 Scheda descriptis claris ac distinctis verbis nomen ejus, quem post mortem suam velit esse hæredem; deinde coram testibus ad testamentum nuncupativum solenne requisitis, distinctâ voce profert: Ego illum constituo hæredem meum, cuius nomen reperitur à me descriptum in tali Scheda, & sub hoc moritur: Quæstio est, an tale testamentum vim habeat nuncupativè, ut talis? non autem agimus hic de illius valore spectato jure naturali, & gentium, vel etiam statutis particularium locorum, ubi constat, etiam in foro externo recipi quamcunque dispositionem per ultimam voluntatem, etiam sine solennitatibus, modo constet de voluntate defuncti, sed quid dicendum sit attento jure civili communis? Olim affirmantium sententia erat communissima, teste Julio Claro §. Testamentum, q. 36, qui & ipse eam sequitur cum Harprechtio in b. t. Inst. n. 141. Georg. Everhardo Volum. 2. Consil. 43, à n. 5. Berlichio p. 3. conclus. 4. resol. 22. §. Et quidem, contrarium sentit Haunoldus tom. 2. de Jus. tr. 6. n. 46. volens, id certum esse inspecto jure scripto, & præscindendo à praxi, pro eadem opinione ibid. referens Cardinalem de Lugo, Ferdinandum Vaszquez, Gilkenium, Rath. & Nanziuum cum Sichardo in L. Hac Consultissima.

Fundamentum negandi validam ejus 2076 modi voluntatem in vim testamenti nuncupativi, desumunt 1. ex L. Hac consultiss.

P pp 2

ma,